

三美

亥三月十一日

孔

子

二千

рц

百

Ħ.

+

光

緒

十五五

年歲

次已

十二册



THE CHINA DISCUSSION

ISSUED THREE TIMES PER MONTH.

議報第十二册目 本館在橫濱居留地壹百三十九番

雜文 本館論說 商會議

論不急設商會之危 續前 稿

外論彙譯

和會議

清國東遊學生

論清德啓爭 評論萬國平

詩

文辭隨錄

人奇遇卷四

桂湖村邀集上

國

平和同盟說源

流 考

大勢

究論黃種將來之移植

哀時客稿

政治學譚

各國憲法異同論

新會梁

任譯

來

稿

支那 哲學

政治

瀏陽譚氏仁學 小說

嗣

同

海

東

實君 更

萬國

近事

此

利時索租界

丁抹兵輪將到清國

題

一酸道

口占

近信車人艦動靜

閱操隱謀 無綫 軍 韓廷政變 威海 所 意國動靜彙報

無綫電信 日兵 威海近信 膠

戊戌橫濱倡

祀孔子徵信 風月栗尊圖

錄

無綫電信

美國男女婚嫁數

海 君生

商

諸° 所 70 事。 非 也。 擴 合 而。 充 衆° 聚。 其. 10 條 70 20 寨 理 力。 也。者 不。 而。何 足。 通。也。 以。 ZO M 見。 利 益の力の 大。 效。 也0.40 而。於。 保。世。 之。間。 患 110 難。 所 也。 而。 救。 事c 之。 盡。而它 人。足の 所。貧 當。也。哀 有。 而。

古

者

專

制

世

惟

獨

夫

民

有

合

衆

權

力

故

此

事。

焉。

愚

110

m

雖

妖、

此

之所 進盖 事。 必 不 以 待 逮。 此。 命 不 110 於 沙。 今 國 今。 我 家。 自。 政 今 歐 合。 府 衆。 於 洲 而。 諸 民 自。 政 國。 失 學。 民 之。 權。 職 將待。 既 大。 伸。 20 矣。 故 何。 内 此 時。 地 之。 待 Ħ. 然。 事。 之。 况 何句 民 10 間。 海 .哉。 外 自。 故 各 合。賊 荷 埠 衆。 能 鞭 而。 聯合 長 自。 莫 學。 商 及。 之。 會。 爲 西。 則 朝 國。 其 狂 治。 化。 條 教 理 70

以 擴 充 興。 教。 者。 學。 盖 中 有 國 數 端 大 患 焉。 在

商。無。自。 於。旁。立。興 其 學 外。貸。 者。矣。勢。校 非。顧 儉。教。令。政 明。學。 國。 變 察。者。民。以 來 叉。增。 萬。非。 10 内 國。但。智。 地 於乏才。 學 所。爲。 慧。 不。 推。救。 天。可。 夫 商。下。內就 務。扶。地。 腦 不。大。教。 棄。 而 能。局。學。 奚 知 之矣。 與。計。 論 之。 人。所。事? 海 外。 爭o 必o 既o 勝。需。廢。然 华 者。而。則·今。 已。此。日。 不。即 事。我。 足。以。殆。國。 也。商。 爲。 不 法 務。 欲。 西 海。 人。論。 外口 自。 2020 TO 專。 則。 商。華。 仟0 己。詔 也。人。 荷 m 海

欲。外

CHAPPALICAN TO 本 館 論

敎。之。學。 能。弟。之。所 其。 汲 獨 育。 入。其 典。之。多。 汲 步 20 E 教 聯。 少。 之 合。 於 H1, 于。 微。 大。 Do 於。秀。 者。 普。 自 斯。 者。 設 功 之。 或 第0 故 然 通。 普。 課 力。 九 E 為。 網。 亦 以 西 是 最o 왩0 諮。 僅 海 我 俗。 通。 宗專 以 求 旨指 不 外 急。 背。 學。 民 學。 我 而。 非省立 之。 商 通。 有 華 升·校· 足 然。 各 丽 凡教。 华多 務。 期 若。 務 盈 後。 以 供 民 数學 虚。進。 自 所 控 T-0 彼 師核 也之 育。 有 我 制 消。之。 取 至 所。 用 大。 之。 焉。 彼 外 華 息。以。 各 成。 而 五 面 總。止。 民 彼 國。 更 西 事。 國 洲 以 商。 共言 必 1 2 察。 業。 廣。 會。 誠 動 不 之設 以 所 之。 見 3110 能 聰 商。 有 界。 E 設°成 本。 設 明 曲 或。 諸。 支 國。 Z 也。 學 之。 門。 高。 特 才 逐 書。 图人 教 · 。 力。 那 達 以 今且 不 等。 轉。 故 以 學。 之 教 而 睡。 變。 有 貪鄙 平 諸。校。 才 我 加 勿 其 商 者。 等之 論 也。 子 報。 國。 之 小。業 學則 其 弟 龌 諸 東。故 子。 大 者。理 戲。 宗 2 局。 人 华。西。爲。 弟。 纖。學。 有 適。今。 然 海 悉。商 風 類 旨 即 ---0 氣。中。日。 後 志 俗 相 外 爲。 業 不 周。 能。 之 敗 待。 脉 文。計。 调 者。 --0 密。 史 壞。 皆 商 身。 雖 明。 官 欲 發。 本 其。 偷 20 各 海o 權。 曲。 晋。 便 可 來 國 注·都。外。 愛。就 未 家。 詳。 業 者 之。計。 私 國。 近 會。各。 必 恭。 地 意 讓 H 力。 從 而。华。 以 多則 带 會。建。 耳。 110 白 亦。 求。 商 谷. 其。 之。因。 故 種. 商。 而 何 孰°子 10 其 牛 必 7 以。情。 法

11

兵

事

我

使

領

事。

不

能

自

民。

有岩

前

华

去

年

古 販。

巴

檀

香山

之役則

吾

各

國

或

知

A

幾改

為今之計學

當有檢查

一豬仔

:之局

設法杜

絕

新

心收贖

舊

叉當互

相

聯

其。集。禁。 恶 孰。權。械 俗 恤。能。之。門。 救。與。所。之。 将 如 有 風。 傳 任。 自 事。 Do 愛 病傷 提。不。 息。 倡。 使 彼 之。 娼 於 人有 妓。 無 或 Ho 中 所 檢。 洋。 藉 杳。 20 成 口 杜。 路。 m 穢 絕。 後 不 之。 即。 可。 法。不。 故 有 杜。 戒。 安。絕。 想。 然 揷。 片。 游。欲。 之。 民。行。 會。 此。等。 之。 方。 Do 之。 不 後。事。 設。 可。必 財 以。須。 博。 有。每。 20 效。华。 業。 非 有。 不 商。中。 即日 國 會。央。不。

於。

斯。

然 期。凉。 夫 或 ----以。 點 失 B 愛。 生。 星。 身 業 力。 命。 炎 XIJO 窮 10 于。 草。 域 餓。 息。 堅。 草。 加坡 傭 天 難。 或 背の 月。 奴 涯 冒 力。 未 墾。 光 慘 危 不。知。 來。 陬 戚 險 及。死。 血 有 凌 徃 所。 內。 苦 豚。 甚 件o 鳴 辛。 70 学0 於 呼。 受。 軀。以。 別 尋 人 他。 長。 常 能。 郷 辭。 生。幾。 數倍 10 井 慘。 凌o 適 猶 哀 酷。 復。 侮o 鳥。 異 梴o 域 而 Zo 鳴。 釜。 其 致。 境。 其。 此 出 歇。 交の 誰。 獨 志 閉。 有。 加。 訴。 屬 固 调o 膨 販 小 Ш TO 累。 此。賣。 半。 敬。 者。展。幾。 牽 其 動。平。 轉。 片。 患 情 多人。 其 寄 難。 苦 時 經 身の 荈0 非 亦 之。 商 1110 多 -0 TO 事。 之 於。盎。 憐。 叉如 家。 地。 恒 或 雖 獄。 飢。 患 疾 免 之。 難 病 永 此 無。 色。 也 死 慘。 出。·淒。

館 論

相 救 扶 患 掖。 難 以 2 防 要 倒 閉。 着。 又當自 雖 然 非 養 商 會其 國 兵遇 孰 能 他 典於 或 有 斯。 戰 事。 則前徃彼牟保 護吾 民。 R 此 諸 端。 皆 無

慮 T4. 恤 者 百。抵 萬 E 何 萬。 拒 萬。 利。 也。 人。 若能 便。 誠 交通。 能。 人。 此 皆。聯。 等 自 通 吾 之 股。各。 华為一 民 事。 之 東。 族 與 面 八人皆貨 自 海 西 運 外 1 者。 之 爭 客。萬。利。 則 以 交 衆。西易。為 數 皆 我 百 萬 既。一。挾 之 增。心。其使。則大 計。 利 權 毎 年 易。 即回 力 也。 舟 以 然 以。 利 益。自。 壓 車 此 徃 復。與。我不。輪。我 之 我。 返。 爲 貨 外。船。 利。 非 物 流。公。有 人 司。 人 運 相 則 能 不 自 等 載。 之大 立。 知 銀 待 銀。 之。 兩 數 力。 而 华。 行。 滩 莫 允。 我 則 而 海。 或 所 西 不 費 外口 能 行

之

數。 以

要 團 丽 潮 結 論 科。 之。 者 而 也。 更 加 西 埠 團結 有 人 畏 华之會 平以此 之 特 甚。 相 故 舘。 潮 競。 商 會 稱 而 之 者。 不 商 能 即 合各 務 自 存。 亦 最 埠 未 之 大。 大 聞 -也。潮 會館 科 非 商 猶 也。 會其 且. 畏之况 行 熟能 有 ---吾聯 典於 行 之行 合 斯。 各 規。 华。 商 恶 會 如

之利

權。

奪

八

九

矣夫彼

之

得

以

制

我

者。

以

我

之散

而

無力

耳。

潮州

那

者。商

之

最

能

所

人

人

即 利 合 益 各行 之 p 之大 者盖 行 有 規 三大端 也 ______ 那 有一 都之 毎° 公所。 商 會 者。 即 合 益。各也。都 之大 各地公 同。 荷 能 行 之 之。 益。其

也。 協。 助。 内。 地。 保。 全宗國之 利。 益。 也。 我 數百 同。 胞の 之。 國。 民。 不 Do 不。 深。 察。 也。

何。 義。 謂。 國っ 游 之何 子。 家。 務。 田。 ---0 壤 當。 人。 B 力。 也。 商 自 之謂。 國 自 皆 邦。 有 更 顧 家。 會 各 使 立。 力。 殆 所 復 之 不。 其 有 失。 不。 不 如。 而 國。 舉 日 爲。 能。 所 能 -0 風。 始 善則善 切。 父 民。 民。 白。 應 燭。 及 行 惟。 此 田 70 保。 保。 得 强 義務譬 者。 之 不 也。 日 所 大 父。 仕 矣。然 調遠 爲。 故。 母。是。 則 大 夫 權 壯 故衛 又將 民。 國。 推。 利。 年仰 與所 謀。 諸。 家。 得 原。 離 仰0 爲。 膝 若 以。 10 是 國。 無 乳 D 之何今 終其。 妖。 之。保。 家。 侵 應 下 爲 哺 謂。 國家 當 之時 之。 盡 諱 而 其。 及今猶 身非 失。 ナ 後 以。 Ż 也。 國。 人。 職 我 食 之。 家。 立 權 惟。 分 哉。 海 m 外 亦 權 非 不。 也。 智。 瞻 外。 70 且 我 患之。 義。 之 批 不。 利 徇 孝。 不 慈 民。 輩 居。 務。 能。 外。 抑 親 顧 何。 分 離宗 飲。 爲。 之愛子 息 迎。 或 白。 亦。 內事 10 以不 民。 謀。 不 不。食。 衣。 不。者。 民o· Do No 或 終日。 自。 乎答之日 則 保。 自 服。 也。 侵 數 矣。 皆 保 且 保。 國。 安。 未 或 T 權爲辭 不。 家。 全。 其 萬 使 仰10 然 有 眉之禍。 安 自。 謀。 爲。 里。 賴。 不 是不 於。 安。 日 謀。 謀。 望 朝 遠 父。 而 其自 此 廷 然。 少心 此 耳。 也 有 雖 離 一日0 何 待。 國。 其 職 父 及 成 異 目。 或 其。 母 命。 家。 自 天 共。

盖。

10

生

於。

長。

能

自

成

自

V.

·B

賴

以

養。

民

能

自

謀

自

保。

則

國

家

賴

以

强。

反

是則

家

必

落

國

必亡

矣。

立

涯

ASSESSED BELL

本

館

論

爲 人子爲國民者當 度 也

萬 鎊 金之

商

會十

數年間規撫

全印指揮

若定籌餉練

兵。

乃 舉

而

還

a諸其國至^人

今英王

口使英人

之權擴

張

地 居。

數。八。之海岸 克 克 。 表 。 表 于東方 昔英人之得志于印 五印焉廣州之役。一切兵事皆十三行商會主持之卒乃割香港開五 官開港皆商會任之國家一切不過問凡數十年治定功成。 香港所鑄銅像 權 炎 炎炙 何擇焉。 手 P 以七

之。夫同。揚。 胞何多。 多讓焉何多讓焉。後世以顯父母此 目耿耿視廣州者即商會首領義律其人也今英旗所 熱游 於海 人子之職也。 外 者真 不艷 盡瘁於海 之豈知其 所以 外。 以 張。 致 國。 H 權。 此國民。 者商 民之職也。 翻

王。南

合大羣爲國。合小羣爲民。惟羊能羣。善美從之。蜂蠆能羣。勇夫且避。美國以合羣而 論不急設商會之危
旋橫濱熱血人來稿

覩矣。今之所謂合羣者何。商會是也。我支那之人。其受外國之虐甚矣。欺陵極矣。屠

洋諸島之生番。以離散而滅。合則興也勃然。分則其亡也忽然。合羣之驗。概

D

戮慘矣。如膠州之舉。四明公所之事。毀我聖像。殺我民人。奪我產業。殊無公法。肆 有於民。况此二三庸庸。朝夕所靈計者。但求紅其頂。花其翎。稱其袍。肥其身。飽其 命也。吾不知天生民而後立之君之謂何矣。雖然國勢岌岌。延喘苟活。自顧不暇。何 意刦掠屠毒。爲民父母者。不但坐以相望。而又趨承鼻息。反助挫我。夫官者民之司

而何獨慘遇我中人乎。今國既不能保我子民。則當思所以圖存。而自保種類。夫保之

屠戮者。亦以我人心之散緩。無發奮自强之志故足欺耳。不然。爭城爭地。何國無之。 之矣。外國與萬民之情。則非所知也。此又何足責。然而外人之肆意逞其凶。以封掠

於後膛 夫支那之勢。 隸。普魯士之起。不過星羅小國。不及我 以 萬人。人數之衆。已嫓于歐美望國。若設立商局。自運輪船。團練民壯。大之可以保國 矣。越師之入。不待留眼可見。戎髮伊川。其在此時。鳴呼、可不懼哉。可不危哉。保類 過數百人。外 利權。小之可以保身家。此自保種類之良法也。今試言會益之驗。祇以 之法。則莫若合羣。商會者即合羣之實也。夫以我支那之四萬萬人。而出洋者有八。 我一縣之衆。即此可見合翠之益。商會之重也。 心而興。 之時。外國侵陵。有所藉 一强學而止瓜分之議。以一聖學 之鎗。利於開花之砲平。是以合則雖寡不侮。離則雖衆亦滅。故武王以十人同 紂有億兆之衆難心而亡。印度非洲之地。大於我十八行省。 國已危矣。而又加以戊戌八月之變。天下無王。上下相譌。此正天假强胡 國聞之而懼。豈不以此數百人。 口。而謂兼弱 而弭廣西之割。以清國之大。不能抗之。而一會不 攻昧。取亂侮亡。惟此其時。瓜分之勢。遂成於今日 一縣之大。美利堅之興。惟以數萬 便可强於一國之兵。堅於數百鐵甲。銛 而卒爲牛馬奴 我支那 小民。不如 流論之。 與 百

之謀。商會之立。又豈可遲遲也。倘今日不擧。至戎師深入。振奮必難。觀於緬。

向

琉

赵马生吃了女 一一一雜文

矣。 所。 貴。孟 疑 難 南 割 夏。 灣。 地 作o 與圖。 廣 以徬徨恐懼。而急於哀哀長鳴者也。曩日之瓜分未至。 慮。 背 者。 事。 4 福。 行。 力之。 2 明 則 盡 之害也。 灣 於未。 始。 殿四 狐 有 X 知。 日 疑 膠 0 於俄 坐而。 知而。 其斃幾何日矣。夫支那之人之大病。在於疑懦不决。畏首畏尾。 俄 割 故 次前。豫 州 0 英 不 其 病 ---Ш 言。不 故 州 如 萬 德 不能行。行而 III 威 東臺澎 。夫支那之地有限。而 注: 謀 庸 E 倍 15 海 夫 、猛虎之猶豫。不 於將至、况今日 衛 如。 彼以六國之地供一秦之欲。其勢猶緩。今以一支那之地。而飽 之必 0 割 楊 起而行也。朱柏 脳 建 -1 田 至。 11. Z 不能果。此所以我支那振奮之難也。故知者决之斷也。 病 E 則 未 ·隸 雖 帶。皆屬於英。 有 愈 有 他 一之事 意 0 人版 死 ·岩蜂 而 奥比 版 禹 各國。 逐良 。已祸已萌已至。而 日、宜 之智。 籍。 **蠆之致毒。** 丹之要求。 医学 之欲無厭。其勢不盡不止。 黑龍 未。 吟 故 今二 雨° 而 江 而° 不 騏 指: 南 一門灣 **型**超 綢° 言 縣 復作。此 北 終。 勿 臨 猶 0 太平 之局 又請 不 蟻 吾民猶不知自處。此吾之 口 附 如 稍緩。 促。 洋沿 矣。 0 瘖 渴。 虎 弹 不 死 而掘。 岸 沂 赋 之方 今旅 之指 如 州 九 狼 怒馬 非° 此 之僭 + 爭 馬 可與樂成。 也 大已割。越 麾 比 萬三千 0 諺 之安 0 也 使前。 之六國 叉 今 此言 H 見 告 里 챕 割

兩州吾鄰

平。夫

心如是。

未

必能盡分。或又以爲

國之求。其勢易盡。此固不可同日而語也。然今之夢夢者。猶以爲支那之大。任其

分

_

公里公正公事文

-40

萬國不和同盟說源流考

篇。題日萬國平和同盟說源流考。其言曰。 國家學會雜誌第百四十四冊。載日本法科大學教授 法律學士寺尾亨氏所講演之一

限。請主沿革而述之。 希矣。余所以欲先舉其沿革之概。次論現下之情形。并述將來之意見也。然日晷有 自俄皇一倡平和會議。環球新報。評之者不啻千百。然至言此說關於古來之沿革者

亦不知俄皇眞意所在。然不論其眞意何如。但由其言觀之。其旨固甚善甚美。世人亦 此次平和會議。新報記者多疑之。謂趙俄國從來政策觀之。恐不過一時之權變也。余 按此會之主旨。不出三者。一日、除去現今列國紛爭之原因。二日、禁止軍備之擴張。 應心許耳。余故姑視此議爲平和理論。實施今日之見端而暢述之。

然而由此會議果能使一變現今弱肉强食之世界。而副俄皇及古來學士之所企望否 三日、永遠設置保列國平和之公法廷。一切之國際事務。當從法律調理之。 **台写主龙门区** 一 外論彙譯

乎。果能永行於將來否乎。縱令行於將來。而自今日進其步。果能得到幾程否乎。是 不可缺之具。且謂有益於世。又謂將來亦然者。今日哲學家之論。亦有尚戰非戰 余之所疑也。夫戰者、不獨不能廢於今日。即將來亦恐不能也。古人有謂爭戰爲世間 之兩

義。又云、爭戰者爲善事。爲有益。然現今學說多非之。故余亦姑以平和論在今日爲 宗。吾人之學。雖與哲學異域。今舉其一二言之。則尙戰家云。 得眞理者。尚戰論爲不得眞理者。試詳而論焉。 爭戰者合眞理。 國正

列國 平和會沿革。問 法廷之裁决涉訟。使原被結其局。其所異者。祗在兩造之爲人與爲國而已。故余之說 出 余尚有一言者。凡欲列國不和。尚無中立以裁決之者。則勢不能行也。何則、如今日 法律裁决之方。即開辦萬國公法廷是也。夫開辦之法。雖有數種。要之、猶 對峙之時。每生國際交涉。國與國有交涉謂之國際公法欲使之相結和局。則必不得不創 有 涉中立裁决之沿革者。聽者諒之。 一國內

樽姐 考之史乘。古代爭戰最多。人民交通。概以干戈爲紹介。若不折一兵。 玉帛之會。則幾希矣。盖古之民。各從其種族。各異其宗教。視他族爲敵。所由戰 而 兩族相見于

爭不絕也。然世運稍進。則戰鬪之術亦進。其害愈大愈烈。於是乎,人民起想望太平之

此事。今日豈有不能爲之理哉。希臘已衰。羅馬嗣興。羅馬之民。長於干戈。常事爭戰。 爭。裁決國際諸案于此。是今之主張平和之說者。猶往往引此事而證之。日昔時已有 亞然斯巴塔諸邑。咸出代理人。代理代表曾日本人語代表者代與行權公使為受君命代國行權也可兵 平和之思想。泰西亦然。如希臘之初。聚落各相凌轢。紛爭無虛歲。然人文漸開。冀平 之見。其後有法並古士。又擬創完美聯邦於意疴尼安島中。又安費克舍尼魯 和之念亦漸 念。昔在印度。抹紐出而後人民始知結和局。在支那有唐虞之治。周孔之教。而後生長 熟。及伯刺敦出。始創一聯邦於亞都耶幾島上之策。持廢絕兵爭永保 之成 和局 也

屬法律之事矣。足證人心傾向於平和也。當時羅馬法章中。有所謂萬民法者。已設裁 管理。乃命黑是亞官法。推啓鸞之由。考其曲直。以决其可戰與否。夫己問其曲直。則 侵入之世。兵馬倥傯。紀綱壞亂。以及封建之世。更相兼并。以及王國之世。攻伐尚不 次國際案之章程。 とり主比「以一一一外論彙譯 法家多以爲現今萬國公法。實始於此。及至中古。世運復替。蠻人

及後成一大帝國。遂生平和之念。漸取懷柔之政策。欲俾宇內之民庶。咸安堵於已之

口。反覆沈痼。生民之患極矣。於是人人專務傳播耶蘇教。以圖和平。故當時羅馬法

王之以結和局勸諸王侯也。有神命之体戰。神意之和局等語。 繁。時不能無開釁。當其開釁。則戰鬪尙慘。未曾有所謂戰時公法者也。至十七世紀 國土。然徃徃有藉口於是。却資攻伐者。然文化稍開。國際諸案多主和局。唯交涉漸 降及近古之初。爭戰之數。較之徃古頗減。且自國力平均之說起。至不得猥以攻伐關 爭戰。永維持平和之說者。質自法國顯理四世始。盖出於其臣修禮之意也。顯理近代 决不易動。並 傾 之初。和關骨羅修司。始有和戰法律之著。蓋骨氏以前。雖非無倡此說者。而世之能 宗旨。解既成之輕轉。其後至綠樹四世之朝。法國又有教士仙彼爾。著萬世平和策以 之明主。已能治其國。乃進擬結合全歐爲一大共和國。以維持治平於無彊。多以 公于世。盖亦在推演顯理四世之意而完成之。會有土烈比條約。乃本之而詳論平和 之畫策。千八百十五年。德意志聯邦之成於維也納一會者。實全賴此書之力也。後至 耳者少也。骨氏之法。固未能使凡百之國際案悉成和局。然自非有至當之理。干义 戰時亦有多少法規等。 俾戰鬪漸帶法律氣味云。若夫欲實施一切禁絕 此之

始生此關係焉。是雖係蘆錯氏之言。實胚胎于仙彼爾氏之說者云。 與國家之公事。非一人一私人與國家無涉者也與一人之私事。有兵卒軍隊之職分。而後 蘆錯氏。愈敷衍此書。遂立原則之體。現今所謂戰時法之原則曰。爭戰者。成於國家 此稿未畢)

評論萬國平和會議

西三月三十號日本報云。萬國平和會議。將以五月十八號開于和蘭國都。倫敦太晤

士報評之日。平和會議之要旨。在節損軍備一事而已。欲知其國之果遵行與否。須在 會畢之後。代議政體之國。固可由議會之成案而知之。若專制之國。情形幽闇 信。且遵行之序。當以內外無處之國爲首耳。今夫俄國以專制爲政體。以强大冠于

。至爲

宇內。然則首示列國以實踐之勞。俄國其能辭乎。是雖不過一報館之私論。亦可以知 英國輿論之一斑焉。 難

赞此舉者哉。然國情各異。利害相反。望其實施於一時之安商。可謂至難矣。此次會 西三月二十七號大坂朝日報云。萬國平和會議。問其旨則如其名矣。天下之人有不 議。想列國對俄國之請。唯唯塞其責而已。初俄國欲以其國都充會議之所。然料列國 一外輪彙譯

色写完龙以一

此也。乃轉謀於和蘭。和關欣諾。遂有此舉焉。如其會同委員。列國雖未派之。想應命 駐紮該地文武官也。其議長。盖和蘭外部大臣活火爾氏當之云。 之意。有所不可。乃謀諸瑞典。瑞典辭。又謀諸某國。某國亦辭。盖皆恐事端之或生於

清國東遊學生

道激之勵之。以助其成可矣。安得以昔日例之哉。 向來隨使署而來遊學者。其數不少。然牛途氣沮神消。空手囘國者。比比皆然。是道 故。則謂從來華人於貨殖之道。勇往忍耐。不避水火。而至肆精微之學。則氣力甚弱。 是本邦教習等之所語也。頃聞自清國歸者之語。却有憂患東遊學生之無成者。問其 西四月一號時事新報云。現今肄業於我日本之清國學生。學術日進。前途洵屬有望。 其所以憂慮也。今也文明之運。將大興於其國。彼之貧笈東遊者。必有勉學之心。我當

論清德啓爭之大勢

嘆日。清國數十年以前。其兵猶克奮勇以壯河山。其民猶克聯團以衛社稷。而其官 西四月九號臺灣日日新報云。客有聞清國沂州爲德人所占領者。造余宅而 閒談喟然

然。而 家。前 矧如德人於清。既借膠灣爲根據地。得隴望蜀 **贮。滋他族以** 逼處。雖事 沾滋也。起於微霰。波濤之奔湧也。積於涓流。干戈之斜連也。兆於細故。國家時方杌 變。使清人 轉不自量力。遇有小忿。輙敢啓爭。官吏紳者。又莫能節制之。以致釀成 外攘有事。禦侮莫資。不得已而和 之想。至於近今。兵則濫充失練。少同澤之雄心。民則苟且偷安。乏成城之固志。國家 紳者亦 面 沂 知其國之積衰。主客周旋。應解退讓。所病者勢殊强弱。厲階有未易防耳。雨雪之 州 未 者 知約束兵民以保全乎時局。是以匪氛內場。敵患外捐。四鄰與交。莫敢動侵後 可 德假膠灣。爲脫教士起見。此次 據為擬議也。疇昔清人習氣。誠多嫉視洋人。喜開嫌險。 事盡東道禮。冀免興戎。亦難保窺伺之者不生端而 强隣。許以借地駐軍。通商傳教。兵民之與接者。偏 夫沂州在山東省。鎭齊魯之舊域。 口哉。不然。軍士之屬。會堂之襲。 沂州召禍。得毋因覆轍 。情所 易動。沂州之役。 重葬平。 邇來震列邦之方 跨海岱之雄 信甫傳 安知 余日、是固 巨釁。貽 非 諸遠方。 逞欲也。 乘 機激 累國 品。 或

連威海 地方擾攘。流害靡窮。列邦所分之利。恐難盡獲保全。且也清不能自撫土地。任人取 存立也。其國所有之利。列邦尚得分沾。清而遠摧殘也。其國之盜賊必生。烽煙必起。 求三門。而德國復入沂州。果其久假不歸。將來各國相踵。不但未分甘者必有效尤之 時。苟非有仗義友邦。出爲解紛。天下事將益多矣。嗟乎、淸自膠灣許借。尋而旅順大 已可概見。雖然、列邦視清土地。既同公業。愈當共議保之。不可速其危亡。葢淸而克 念。即曾染指者亦必有請益之思。清之沿海土地。直如列邦公業。其冰判瓦解之機。 是。清廷欲以空言折衝。求如汝陽之歸。殆不易焉。而欲以戰復之。抑亦甚難。當此之 . 九龍廣州等處相繼授人。其他鐵路礦務諸利權。亦多落於人手。近者意國方

究論 黃種將來之移植

之。列邦分配不均。勢必互相爭奪。尋仇搆怨。禍偏實區。其關係何止亞洲哉。

使黃種不幸被逼迫。則遁逃伏竄者。何地之依。清國薛驅誠氏曰。澳洲之域。今華人 西四月二號臺灣日日新報云。桀亡于湯。而淳維入匈奴。秦亡于楚。而弓月入日本。

之居者戶口數十萬。他日移種。必王于斯土。夫南洋羣島。與清國傳近若肘腋。輪艦

于三隅。而獨取于南服者。則以爲避俄而已矣。然則祕魯墨西哥諸國。其在西半球。 大地之言曰。白人必勝黃。若祕墨諸國者。其法令未立。其巫蟲禁祝之風未去。與紅 亦居南部而爲屏蔽。其政令條教。盖畔暗無可觀者。安知黃種移植之不在于彼也。今 弱。而巴西乃與美利加等大。是其比類也。則猶大鵰之生於桃蟲也。雖然、薛氏不取 所抵。或昧爽而發。見星而達。任力役于是者以兆計。薛氏皆無取。顧獨有取于大陰 不異。故意移植者之必在于是也。日、荷如是則猶西班牙之分國于巴西。今西日瘠 之民居者。必不可以爲善國。惟澳洲則見南極之出地。同爲溫帶。天氣發斂。與北緯 之澳洲者何也。豈不日赤道之下。其氣陨暑。其地輕脆。其人啙窳。處沃土而與不材 人襍糅而成其污俗。非直絀于齊州。亦不逮阿富汗矣。雖然、觀于草昧。則歐亞二洲。

海苔之世。而彼乃先進而爲文明也。且夫文明則必有復故之日矣。今其浸微浸味。而相

近不過六千年。而秘魯乃有五萬年之文物。然則賢劫之初啓。于吾東半球方爲贏蛤

聚以入幽谷者。白人弗能化也。密雲不雨。濁河不澄。變越墨之風而反之泰清者。又

安知其不在黃人之移植者也。難者曰、天下有遁逃伏鼠而能撫有他人之國者平。曰、

騰。或爲飛恕。積灰廢炭之在原野。或足以生蠅蚋。盛衰文野之限。固無有一成而不 也。其遺植之必在于南部。則既可知也。天地之道。日中而遠。月盈而匡。田鼠之上 爲也如此。而况上哲哉。是故黃種之移植。其或在澳洲奧。或在祕魯墨西哥。未可知 爾罕。而能北入俄羅斯。南屠印度。西滅土耳其。殷之遺孽。元之遺裔。其驍健足以 予霍太山。而小戎之詩。繼之以作。其子孫遂足以復六雄。帖木兒之遁逃伏窟于撒馬 確之。則不足以發。故自古常有亡國敗家。而其人材什倍于平世者。飛廉之遁逃伏竄 含血之倫。必有精銳之氣。精銳之氣。蟄伏于胸中。若水之有隱熱。非淬之厲之磨之 有

可變者。是故聖人盡其陽節。守其陰節。順民之所爲。而降命于山川以殺大地。



比利時索租界

國現無一羈族於中國。我未知貸地之意。竟却其請云。

然世人頻驚風鶴。遂不暇審顧。不知比國之要請。在欲獲一租界于漢口。張總督曰。比

西三月三十號時事新報云。意団之要求不遂。而比國之索地。忽又報于北京電音矣。

丁抹兵輪將到清國

接踵。奧亦竊有染指之意。聞其巡洋艦盖瑞林、也律阿土、已入南海。而聞風慕擅者 西三月三十一號時事新報云。瓜分中國。不獨英俄德法之强國已也。意國傚顰。比國

未已。日前又有丁抹將派其兵艦於中國之報。夫丁抹濱北海之一小邦耳。其於清國

非有商務之大利權。國人之僑寓清國者。亦在有無之間。今敢由歐洲大陸。遠派兵艦

於絕東之溟渤。果何意乎。噫、堂堂赤縣。至下受丁抹之侮。可憫也夫。

英艦動靜

西三月二十八號時事新報錄北清日日報云。頃英艦隊大加警備於直隸灣日廟島。又 - 萬國近事



三月台名です又

聞樹國旗于舟山島上云。

意國動靜彙報

速率十四海里。載兵士二百六十五人。備砲二十章。或曰、該艦載重二千八百五十九 香港。該艦體屬三等裝甲巡洋兵輪。載重二千七百九十五噸。馬力三千三百四十四。 西四月一號時事新報錄上海專函云。意國亞美利戈費奴鋪雞艦。已經新嘉坡。將抵

之二艦。已寄椗于芝罘。

噸。馬力五千匹。矢員二百五十人。砲數十五尊。速射砲四尊。而麻兒閣玻羅、也爾巴

及鐵路之利權。今上碼頭于此者。圖其便也。或曰、意國之以此地代三門灣者。恐日 四五英里。近接舟山群嶋。盖好碼頭也。或曰、意國向來派人往浙江地方。擬獲礦務 更復藉英國之助爲新請云。世間傳說。此次意之轉索爲象山港。港在牛鼻山之西北 前駐清意國欽使。以本月十五號去京師。今在天津。新欽使已進京。現棄前日

此次清廷之視意國。猶數年前視我日本。若不甚爲意者。然南方之警備頗嚴。本日發

本之干涉也。此說甚難信。姑錄之以俟徵驗於他日也。

趕緊嚴備邊防。二統領已從事於此。叉云、清廷謂意國要索。洵屬無理。事若至決裂。 判之中外日報云。浙江巡撫劉樹棠。飭鎮海吉字營統領吳哲仁。及定鎮統領余朝貴。

索清廷。若不見聽。乃欲使其約永不割與他國也。

亦斷弗許焉。又云、本來三門灣。法國所欲借而爲屯煤處。而英忌之。竊慫慂意國。要

南京開作

于其地。姑停止地皮之買賣。日前劉總督打電於羅巴土哈氏。請借練達事務西人兩 國教士之徒。多就於豫定租界。大買收地皮者。然現下華民之有地皮者。各建署標名 事。今確不容疑云。稅務司已於本月一號開工建築。應以四月一號。課稅商貨也。外 西三月二十七號大坂朝日報錄上海來函云。據南京來信。中國以該地爲通商公毕之

三名。是亦欲使助開华事務也。

韓國開埠

至羅道群山浦爲公埠。並開平壞爲公市等語。日前均照會各國駐韓領事。 西三月二十八號時事新報云。韓廷以自五月一號。當開咸鏡道城津、慶尙道馬山浦、

韓廷政變

所得確立? 使。向强索韓 務。法部俞箕煥、學部申箕善、以或抗奏請之議。或不署名奏疏。並僅 夫此次 部署理。僅 沈氏所構成之政府。全歸土崩瓦解。 年。其他外部朴齊純、度支閔永倚等。悉被免黜。唯宮內大臣李載純、以其職無涉政 逆鱗。霹靂一聲之下。議政府參政沈相薰處流十五年。內部置理大臣閔丙漢處流十 肉。逸士齊謳昇平。然爭權勢如彼。貪苞苴如彼。道義之頹廢。士風之萎靡亦 其他曰某曰某。一切公會。咸既飲迹。消息杳然。無復可聞矣。 雖時非無貧商輩之蠢動。而獨立協會既箝口。萬民公同會既解體。皇國協會既消斃。 西四月一號日本報錄漢城來函云。春來漢城之政界。安靜無事。盖近年之所絕無也。 政 變。固雖 内 保舊政府之餘喘。以待新政府之成而已。構成新政府者誰。 一政。刷新外交平哉。今也、政府由奏請四十七郡守之選擇更任一案。忽觸 廷以訂捕 發于奏請 鯨合同條約。而 一案。深詢其原由。盖有數因焉。外間傳云。 申氏轉議政府置理。閔種默自議 韓廷弗聽。俄使患之。陰用詭計。遂及於此。又 於是乎、志士徒撫牌 政府贊成任內 免焉。於是乎、 盖趙秉式 俄國駐韓欽 如彼。思 也。

云、嚴貴人之覬覦椒房也久矣。而未得其志者。以沈氏之黨在朝也。乃與趙氏竊相結 托。乘有此次之奏請。百方誣之。遂及於此。二說必有所由。然貴人之斡旋。若爲最得

此變。亦僉如聾如啞也。嗚呼噫嘻。內外多事之時。國情如此。可勝慨哉。

主因者然。趙氏之搆成新政府。彈冠者何人。紛紛飛語。不知所歸。而列國使臣之於

威海近信

西三月三十號大坂朝日報云。英人從佔有威海衞。擬募集華民編成一軍。其初應募 其完成可期也。兵營先擬暫建設可容百六十五人者。現已開工。餘逐次興辦。其牙營 者甚少。英人苦之。邇來增其餉項。於是應者驟衆。絡繹不絕。選擇極忙。情形如此。

應新設威海市之北。前年日本軍駐屯之址。又劉公島兵營之修築。將前者喫鴉片室

並不適衛生之舊構。一切撤之。內部殆改築之云。

膠州近信

西四月一號大坂朝日報云。膠州灣之經營費。已經德國議院之議定。其欵項凡八百 五十萬馬克云。頃德人又尋得一煤礦於該灣附近。煤質最適軍艦燃料。駐屯之將得

拉門主義以及一一一萬國近事

利皮子曰。吾輩之修築此灣。當比英國之闢香港。當時香港爲地。荒蕪寂寥。非有不 值一文錢之稱乎。而今則如何。然則此灣亦安知異日不爲東方有數之一市塲乎哉。

其意氣之揚揚可想矣。

閱操隱謀

之人。亦將均開辦礦務于該省之情形也。 各國貿易地之事。葢以族北京之英商辛芝給。已獲河南採礦權。而近來有俄法比三國 叉云。傳說駐華英欽使麻克德拿。要請於中廷。以不割讓河南一省於他。並開該省爲 西三月二十四號時事新報錄上海專函云。頃西后命軍機大臣榮祿。統直隸新舊各軍 二十萬人。大閱于京師。其期盖在六月。或曰此擧洵有深意存焉。噫嘻、其如社禝何。

無綫電信

誌本 西四月一號時事新報云。英法兩國間二百米里。無綫而得通電信。已據路透電 報。 聞說意人麻兒格爾氏之創此見。既在兩三年前。其說日、于發信受信 一兩處。

銅線於空際。則兩處之間。不樹一桿。架一稜。必可通音信。然會實查之。兩

各縱立

益勉。想此次遂奏其功也。又聞美人尼可拉的斯剌氏。亦創有不用一綫送電流。可以 處距離。過十二米里則不通。麻氏謂銅線短耳。若能長之。豈有不達遠地之理。精究

轟沈兵艦之法。要之、無綫送電之方。見其實用將在近矣。

西三月三十一號時事新報云。本邦海兵。以本月二十九號朝九點鐘撤北京駐屯。去 日兵撤去

美國男女婚嫁數

到塘站云云。

載其畧曰。俗語云、婦人生世無甚機會。惟於嫁時算一生大事。且人多不能免焉。然 西四月十二號。日本泰晤士報云。美國離地士堪報論歐美男女婚配之事甚詳。並僅

時事。即知其情形若何矣。 懸殊。三曰性情各具。此三者皆若有所限。而不能以自由者。由此以考美洲人婚娶 男女婚嫁時。每因境遇不同。有异致者。蓋輙有數端。一日所由之風俗各別。二日貧富

考歐美各國。女子华紀適合嫁而未嫁者。以美國爲較多。有某算家統計美國人口。謂 **芝門能収トーー萬國近事**

寡之數。抑又不同。葡萄牙國有男一千。即有女一千八十四。士威頓有男一千。即有 留。故欲將全國婚嫁數表列淸楚爲甚難之事。欲確查之。至少每省能存留四十年前 穀麥豆猪牛肉等物。皆人生所藉以爲養者。價值之貴賤。而嫁娶之多少常因之。故 洲之嫁嗹倫島人。葢其地每有一千男子。即有一千一百三十四女子也。 志有男一千。即有女一千三十九。奥大利有男一千。即有女一千三十四。俄羅斯有男 十七。西班牙有男一千。即有女一千四十五。瑞士有男一千。即有女一千四十。德意 女一千六十四。那威有男一千。即有女一千四十九。英吉有利男一千。即有女一千四 有男一千。即有女一千十九。然此特統歐羅巴全洲計之耳。若將各國分列其男女多 如以一千九百六十五名人數計之。男常居一千。女居九百六十五。統歐洲人數計之。 觀物價表之低昂。算家幾可以按列婚嫁表矣。然情美國各省遞年婚嫁人數冊不能久 各國凡女子願嫁者。不難如願。葢男衆而女尚寡也。至女子之難於得配者。莫如北美 後婚嫁數。後然能表列清楚。然有時 一千。即有女一千二十七。惟法國女子之多於男子。每千人數僅多四名耳。統查歐洲 可即以概其餘者。自一千八百五十一年。至八百

六起。一千八百五十五年。至八百五十九年。此數年間。商務敗壞。故就一千八百五 五十四年。美洲歲收豐稔。物價平賤。故米錫芻式士地方。一千人中。嫁娶至有二十

十八年內計之。一千人中僅得 嫁娶十七起。一千八百七十三年 至一千八百七十九

計。每千人中嫁娶之數。又由二十一起降至十八起。千八百七十九年內一千人中嫁 年。此數年間農務荒鰍。各製造局均多失業。物價奇貴。故就一千八百七十四年一年 娶僅得十五起。統計前後二十餘年間。一千人中之嫁娶。竟由二十六起而降至十五

起。相去豈不遠哉。又當美國南北大亂之時。每千人中得十七起。及大亂旣平。正當

一千八百六十五年。則有二十二起。

凡婦人學問優長。多有不肯嫁人。男子飽學而不娶者尚少。此事皆有美國報館極論其 堂教習之任。則其擇配比尋常女子固難。若由大學卒業。出中學教習者。即比大學堂尋 事。然於何徵之。徵之於大學堂之女生而知之。蓋此等女子學業既成。便可出而充學

常女生亦較難。蓋中學教習。絕少與男子來往。縱有男客拜訪。亦動多禁制。歷既為人師則

細事不能預實與女尼非言中國無異。可知其擇配更難也。至大學堂之女生。其出嫁之數。於市俗一切實與女尼非言中國無異。可知其擇配更難也。至大學堂之女生。其出嫁之數。 444年1月1日 | 一萬國近事

張。費列爹勞匪亞城人民一兆二十五萬。 五萬。比波士頓多十萬。去年發準婚憑票不過四千八百四十五張。比波士頓準婚憑 哥山大埠人民三十五萬。每年發出學婚憑票三千一百三十五張。聖雷士人民有六十 美國波士頓地方人民五十五萬。每年發出準婚憑票六千二百六十九張。山傳蘭司士 (四九七)。中學堂(四○一)。在三十五歲以上者。大學堂(五三六)。中學堂(四六六) 又比中學女生爲多。清查之法。係按年紀以考女生出嫁之多少。其年紀在二十五歲 之間者。考得大學堂女生(三八一)。中學堂女生(二九六)。在三十歲以上者。大學堂 一千四百二十四張。紐約人民三兆三十五萬。去年發出憑票有二萬五百十三 去年發出憑票七千七百九十三。據以上五

城。人民婚票比較得數。便可概美國全國人民婚嫁之數矣。

新會梁 任譯

政體。實

屬國家之大典。無論其爲專制政體。 舊譯為君爲立憲政體。舊譯為君官爲共和 憲法者。歐語稱爲孔士九嵩。其義盖謂可爲國家一切法律根本之大典也。

爲憲法。故今之所論述。亦從其狹義。惟就立憲政體之各國。取其憲法之異同。而 公園。似皆可稱爲憲法。雖然近日政治家之通稱。惟有議院之國所定之國典。乃稱為民主

第一章 政體

比較之云弼。

政體之種類。背人雖分爲多種。然按之今日之各國。實不外君主國與共和國之二大

則共和國不與立憲國同類。就其實而言之。則今日之共和國。皆有議院之國也。故通 類而已。其中於君主國之內。又分爲專制君主立憲君主之二小類。但就其名而言之。

君主國不與焉。 稱之爲立憲政體。無不可也。故此書所述。專就立憲君主國。典共和國論之。而專制



君主政府之權力若何。國會之權力若何。人民之權利若何。互有大小强弱之異。不可 全世界上之立憲君主國共和國等。其名 一稱雖同。至其國內之實情。則各國皆不同。其

不察也。

載。卒能無恙。以至今日。非徒能不失舊物而已。又能使立憲政體。益加進步。成完全 之政體。雖其後屢生變故。殆將轉爲專制。 **憲政立憲君主國** 之始祖者。英國是也。英人于七百年前。已由專制之政體。漸變爲立憲 又殆將轉而爲共和。然波瀾起伏。 幾歷年

無缺之憲政焉。

十七世紀之末。即距今百法國民變大起。摧毀王室。而行共和之政。其後更爲拿破侖之 所 其餘歐洲大陸之各國。亦於近古以來。次第將變專制而爲立憲。不幸爲君主。及貴族 壓制。其收效不能比英國。於是由壓力而生激力。壓之愈甚。則激之愈烈。至西歷

帝政。又爲王國。屢次轉變。糜爛不堪。其餘各國。亦相繼騷亂。政體頻變。 盖各國 憲

政之成就。不過數十年耳。

若英國之憲政則不然。自近古以來。 非如各國之有大騷動。 故能次第進步。 繼長增

高。又各國之憲政。多由學問議 論 而成。英國之憲政。 則由實際上而進。故常視他 國

爲優焉。英人常目他國之憲法。爲紙上之憲法。盖笑其力量之薄弱也

憲政之國。在歐洲則除俄羅斯土耳其之外。其餘各國皆是也。在亞洲則日本是也。土

自法國碩學孟的斯鳩始倡之。孟氏外察英國政治之情形。內參以學治之公理。故其 耳其當十餘年前。騷亂之際。曾一布憲法。設議院。後卒中止。故至今仍爲專制國云。 行政、立法、司法、三權鼎立。不相侵軼。以防政府之專恋。以保人民之自由。此 第一章 行政立法司法之三權 説也

而掌之。立法權則君主與國會四議同掌之。司法權則法院承君主之命而掌之。而三權 說遂爲後人所莫易。今日凡立憲之國。必分立三大權。行政權。則政府大臣輔佐君主

會之權。無 大臣之權。凡憲法政府大臣之 皆統一於君主焉。雖然其實際則不能盡如此。如英國之巴力門。國會也 事 不可爲。除非使男變女。女化男。乃做不到耳。觀此可知其權力之大矣。 盖行政立法二權。 全歸國會之手。故英國之諺有之日。國 有黜陟政府

惟司法之權。則仍歸于法院也。

國雖屬共和政體。然其行政之大權。實歸大統領之掌握。其政府大臣。大統領得任意 時能黜陟之。若奧地利德意志及日耳曼之各邦。爲無政黨習氣之國。則反是。又如美 其餘各國凡有政黨習氣之國。其國會之權力亦甚大。不特能壓倒行政官而已。亦時

孟的斯鳩又云。行政權即行法權也。後世學者。多誦此語。各國之憲法。亦多引用之。 黜陟之。盖行政官之權力。比于政黨習氣之君主國。反有加云。

國會所議之法律而已。殆有爲而發也。平心論之。國家之政務,决非徒執行法律。遂 國家之權力。爲四大權。以行政權爲最重。而隸于行政權之下者。有立法司法兵馬三 可以盡其責也。故近世學者。頗有辨此語之非者。又康士湯竟、弗耶、等諸碩學。別言

大權云。從來三權鼎立之說。皆以爲兵馬權包含于行政權之中。雖然兵馬權之性質。 與行政權實有異。康氏弗氏之說。亦不爲無見也。

又孟的斯鸠以爲三大權。必須分立。不相統攝。然後可保人民之自由。有碩學布龍哲 駁其說。以爲三權全分離。則國家將有不能統一之患。故三權决不可分。而亦不可不

分。惟於統一之下而岐分之。最爲完善云

古代國會體裁未完備。有分爲數院院者。亦有惟置一院者。今日則除日耳曼之數 第三章 國會之權力及選舉議員之權利

均。盖上院之員。每多保守黨。下院之員。每多進步黨也。 小邦。及瑞士之數小邦。惟置一院外。其餘各國。無不有上下二院。盖兩院並置。其益 甚多。盖所以防議事之疏漏。而加鄭重綿密。又能使進步保守兩黨之宗旨。保其平

世襲者。有選舉者。與國普國及日耳曼各邦。其制雖互有小異。然皆以王族一。貴族 上院之制度。各國不同。如英國全以王族及貴族及高等之教士充之。而貴族之內。有 心高等教士三·有功于國事。有功于學術者四·富有田產者五。太學之代表者六· 班領之

託此人以代宣之則謂之代表大都會之代表者七。充之。意大利、西班牙、葡萄牙亦大畧相同。意然亦稍異盖泰人之意皆可大都會之代表者七。充之。意大利、西班牙、葡萄牙亦大畧相同。 威之制度。下院議員選舉既定。乃選拔其四分之一。以爲上院議員 比利時、荷蘭、瑞典、陳國、則少異。上院員獨重納稅多者。其數每更多於他類云。那

芝門羊我小女一一各國憲法異同論

各國上院之制。大略如右。要而論之。凡君主國之上院。其選員約分三種類。一專取

貴族者。一專取多納稅者。一兼合數種者。惟德意志帝國因聯邦而立。故其上院。由

各邦政府派全權委員以充之。

至于共和政治國。資稱民上院之制度。法國則於各縣由選舉委員所選舉之議員充之。

美國及瑞士。皆以聯邦而立。上院議員。則各邦之代表也。其選擧之法。美國則由

谷

雖國體大異。其制皆如出一轍。皆由人民之公擧。爲人民之代表。至如英國有云某大 上院之制。隨各國之回體而異。既已詳之。至下院之制。則不然。無論君主國共和國。 邦之邦會公學。瑞士之選舉。又分爲二種。其中有數邦由人民選舉。有數邦由邦會選

額。至如何然後可以被學。如何然後可以學人。其權利則各國小有異同。要而論之。 下院議員選舉之法。大率分國內爲數區。名之曰選擧區。其每區得選若干人。皆有定

學之代表者。則因其大學有許多土地故耳。

德國瑞士是也。其餘各國多爲有限制者。其限制或以年齡。或以財產。或以納稅。種 可分爲有限制無限制之二種。無限制者。凡男子及歲。悉與以選舉權。除瘋癲及刑法國 人不在內

此稿未畢

道濬川鑿險咸視此。有田焉。建學興機器以耕之。凡材木水利畜牧蠶織咸視此。有工 別爲分廠。富而能設機器廠。窮民賴以食。物產賴以盈。錢幣賴以流通。已之富亦賴 焉。建學興機器以代之。凡攻金攻木造紙造糖咸親此。大富則爲大廠。中富附焉。或 以擴充而愈厚。不惟無所用儉也。亦無所用其施濟。第就天地自有之利。假吾力焉以 開而日亨。流日節而日困。始之以困人。終必困乎已。猶大旱之歲。土山焦。金石流。 澤。蘇渺莾之原。人皆蒙惠。而已固在其中乎。然而昧者聞之。又將反其實曰。機器奪 惟暨守蹏涔之涓涓。訊可私於已。果可施於己乎。則孰若濬清渠。激洪波。引稽天之 發其覆。遂至充溢溥徧而收博施濟衆之功。故理財者慎毋言節流也。開源而已。源日 乎。彼必曰饒富而耗貧。又詰之日、百人耕而養一人。與一人耕而養百人。孰爲饒。孰 民之利。噫、何不 爲耗。彼必曰耕一養百者耗。耕百養一者饒。然則機器果不容緩矣。用貨之生齒。遠 繁於昔。而出貨之彊土。無關於今。其差數無異百之於一也。假而有貨焉。百人爲之 抑貧于物產之糾乎。求富民者。將豐其物產以富之乎。抑耗其物產以富之 觀於歐美諸洲。而一繩其得失也。今且詰之日。民之貧也。貧于物產

医马左戈刀以 一一一 测陽譚氏仁學

化隆美之世。民皆豐樂充裕。愛惜生命。不肯多用人力。人亦從而愛惜之焉。故創造 多得值哉。而價止於此。此其可哀甚矣。盖物價之貴賤。隱視民命之重 何也。 一物。即因其力之可貴而貴之。茍或不貴。固不急於求售。亦將不復造。且民皆富矣。 以視向者所獲。不既多乎。難者又曰、機器興。物產饒。物價宜廉矣。而歐美反貴者。 販運而增製器。機器無衣食之費。叔季初不加其供億。益將委耕織於機器。而增製器 叔耕以供養。季織以供衣。若用機器助力。伯所製器必加多。用機器運物。仲又舍其 將他有所興造。利源必推行日廣。豈有失業坐廢之處。譬之一家焉。伯製器。仲販運。 於民何如哉。稱天之德。不過日造物而已。而日奪民利何耶。且所省之人工日工。又 百則富百倍。雖不識九九之人。不待布算之勞。可定其比例矣。人特患不能多造貨物。 以廣民 不足。用機器則一人爲之有餘。是貨百饒於人也。一人百日爲之不足。用机器則一人 一日爲之有餘。是貨百饒於日也。日愈益省。貨愈益饒。民愈益富。饒十則富十倍。饒 日、此機器之所以利民也。小民窮歲月之力。拮据辛勞。以成一物。豈不欲器 利耳。或造矣。而力未逮。或逮矣。而時不給。今用機器。則舉無慮焉。其爲功 一輕以 爲衡。治

南洋所迫逐。而不遑得食。身且如此。更何論所造之物。此所以雖賤極猶莫能售也。 非奪民利矣。中國之民。至鬻其身以爲奴隸。驅使若犬羊。繁役類重囚。然尚爲美國

其儉。將有食稿壞。飲黃泉。人皆餓殍。而人類滅亡之一日。何則、生計絕。則勢必至 美。轉若重爲歐美憂者。嗟乎、此何足異。中國守此不變。不數十年。其醇其龐。其廉 乃令之策士。又曰中國醇俗龐風。爲不可及也。工價之廉。用度之儉。足以制勝於歐

於此也。惟靜故惰。惰則愚。惟儉故陋。陋又愚。舜此兩愚。固將殺盡含生之類。而無 不足。故靜與儉。皆愚黔首之慘術。而擠之於死也。夫以歐美治化之隆。猶有均貧富 之黨。輕身命以與富室爲難。毋亦坐擁厚貲者。時有福之心以召之歟。則儉之爲禍。

視靜爛酷矣。

假貲於人。而歲貴子金百之一。他必謂之薄息矣。易以月則厚。易以日則愈厚。是猶 矣。易歲以日。富莫大焉。稻十與三百六十之比也。稗販於千里之外。歲一徃還。雖獲 一與十二與三百六十之比也。執藝於肆。歲成一器。雖獲利百之十。世猶謂之賤工

豈有 利十之一。世猶謂之霑賈矣。歲百徃還。則倚賴莫尚焉。猶二與百之比也。 緩者也。時積而成物。物積而值必落。於是變去舊法。別創新物。以新而救積。童子 之生。生於時也。時縻貨財敕。時嗇貨財豐。其事相反。適以相成。机器之製與運也。 入市。知所決擇焉。而值自上。又有新者值又上。人巧奮。地力盡。程度謹於國。苦窳 絕於市。游惰知所警。精長獨於用。西人售物於中國。則以其脫敵者。云中國喜賤值 器興而物價貴。斯乃治平之一效矣。治平進而不已。物價亦進而不已。 也。喜賤值由於國貧。國貧由於不得惜時之道。不得惜時之道。由於無機器。 其初以人謀之不 數。强抑天下之人。使拂性之本然。而相率出於儉。物價自不能違其儉。而孤以騰踴。 強不給。包褐 君權日以尊。而貨棄於地。亦相因之勢然也。 他哉。惜時 不完。雖有精物。無能承受。而不解事之腐儒。乃曰天地生財。止有此 而已。惜時與不惜時。其利害相去。或百倍。或千倍。此又机器之不容 滅。而諉過於天。其繼窒天生之富有。而以制人。自儉之名立。然後 一旦銜勒去。民權與。 得以從容謀議。 小禁弛。誰不 衰國之民。翌 故夫貨財 然則機

各遂其生。各均其利。杼軸繁而懸鶉之衣絕。工作盛而仰屋之嘆消。

金錢。旅行速。誰不樂乎遊覽。復何有儉之可言哉。且驗之幣致。又有然矣。上古之

西國又進而用金。使風化更開。必將舍金而益進於上。夫治平至於人人皆可奢。則人 即中國古時之具。可爲風化初開之證。久之民智愈啓。始易以銅。又久之易以銀。今 時。以有易無。無所謂幣也。風化漸開。始有用貝代幣者。今美洲土番。猶有螺殼錢。

哉。故私天下者尚儉。其財偏以壅。壅故亂。公天下者尚奢。其財均 遏之塞之。積疲苦之極。反使人欲橫流。一發不可止。終釀爲盜賊凶叛。攘奪篡弑之禍 寒畔援。相與**闲忘。而**咸歸於淡泊。不惟奢無所眩耀。而奢亦儉。不待勉强而儉。豈必 以流。流故平。

之性盡。物物皆可貴。則物之性亦證。然治平至於人人可奢物物可貴。則無所用其欲

亡人國也。而其實皆非也。一父有數子。數傳之後。將成巨族。西人詳稽夫家之登耗。 者。重稅外入之貨。以除拒其來。鄰國不睦。或故苛其稅。藉以相苦。因謂稅務亦足以 故。以謂通商足以墟人之國。恐刮取其膏血以去。則柴立而斃也。於是有所謂保護稅

夫財均矣。有外國焉。不互相均。不足言均也。通商之義。緣斯起焉。西人初亦未達此

每一歲中。生死相抵。百人可多一人。使無水旱札癘兵戈及諸災告。不數十年。本國之



通商者相仁之道也。兩利之道也。容固利。主尤利也。西人商於中國。以其貨物仁我。 不啻為吾之外府。而歲效其土貢。且又無闢地之勞費。自然之大利。無便於此者。故 物產。必不能支。將他闢新上。而勢處於無可關。則幸而有外國之貨物輸入而爛縫之。 亦欲購我之貨物以仁彼也。則所易之金銀。將不復持去。然輙持去者。誰令我之工藝 不興。商買不恤。而貨物不與匹敵乎。即令中國長此點黯。無工藝。無商買。無貨物。 得者金銀而已。我所得者千百種之貨物。貨物必皆周於用。金銀則飢不可 又未甞不益蒙通商之厚利也。已既不善製造。愈不能不仰給於人。此其一利矣。彼所 可衣。以無用之金銀。易有用之貨物。不啻傭彼而爲我服役也。此又一利也。或以爲 彼以通商仁我。我無以仁彼。既足愧焉。曾不之愧。而轉欲絕之。是以不仁絕人之仁。 掣其肘。攪其指。不使其民採之取之。而僅恃已出之支流。以塞無當之玉巵乎。此之不 金銀即貨物。金銀蝎貨物亦亡。是無礦之國。則可云爾矣。中國之礦。富甲地球。夫誰 明。而日以通商致貧。蓄怨毒於外國。不自振奮。而偏巧於推拾。惰者固莫不然也。夫 且絕人之仁於我。先即自不仁於我矣。絕之不得。又欲重稅以絕之。稅固有可重者。 食。而寒不

牛枯骨。談志俱是異郷人。照心惟有一輪月。月橫太空千里明。風搖金波遠有聲。 陽 夜寂寂兮望茫茫。船頭何堪今夜情。 霜氣冷。腰間佩環風聲靜。自知此行難生還。情似荆軻辞燕境。勿謂裙釵料事危。 我所思兮老父身。欲往從之天造屯。萬斛深悲奈難遣。星河西落未成眠。懷中七首 氣向處山可摧。勿謂妙齡不堪戈。至誠固有鬼神知。去國匆匆十裘葛。姻戚牛散

入吾夢。仙槎欲探猶未探。風塵之中至秋仲。月橫太空千里明。 萬古含雪芙峯頭。花香一目千樹春。月高八百八島秋。此地眞箇桃源洞。隔天夜夜 垂萬世。昭昭威名及遐裔。士重信義輕末利。小心翼翼仰聖帝。孤棹嘯風琶湖舟。 我所思兮東海端。欲往從之水路難。海端有國名扶桑。俗與風光皆雅燗。綿綿皇統 風搖金波遠有聲。

赵門美我打双 一 一 佳人奇遇卷四

我所思兮東海人。欲往從之關山難。羨君錦衣歸摺日。悲妾虎窟探兒辰。妾今一去

何日復。歐雨米煙夢相逐。妾今一去何處會。青雲黃壤豫難卜。想昔蹄水乘興船。

夜寂寂兮望茫茫。船頭何堪今夜情。

育豈又有此歎。千行淚沾紅綃袖。一雙影映亞字欄。月橫大空千里明。風搖金波遠 東西奇遇殘春天。月下攜手花落處。清風拾翠水流邊。嗚呼、疇昔之日無此歡。今

有聲。夜寂寂兮望茫茫。船頭何堪今夜情

歌詞恢 爾。散 悲如 此樂難再。咸以爲然。今果天涯離散。幽崩范卿。化爲異物。節同時異。物是人非。我 白日己匿。繼以朗月。歌舞漸止。携手共步庭園。花香馥郁。山河如煙。當時余顧曰。 何。紅 北日。 慨。紅並述之亦聲聲入破。秋角帶霜。如號古戍。風泉和月。似瀉寒灘。彈希鏗 並曰。當時船中又有使妾等疑者。有一婦人屢見妾等于甲板 睢懷徃日。徒增悲傷。 嗟乎、舟遭蹄水。花會竈谿。高談娛心。哀音順耳。 上。後與之

名。那君知之乎。散士傾首日。僕素不識此等婦人。豈非變身託事。探三君之形跡者 更點稱 語。辭氣 日本之志士某。妾詢以志士之容貌行事。極像郎君。妾 慷慨。頻悲國家之傾覆。又能詳 東洋之形勢。談笑間涉及貴國 心有所憚。不敢問其姓 之風 光。 該婦

乎。紅遊日。姜等亦疑之。故不敢明其實。又日自是羁旅之孤客。軟弱之婦女。宜策奇

謀。以欺西

國之君臣。而語奪

幽蘭將軍之事也。

翌日妾遂紅粉盛服。乘凉城邊。時行人漸稀。見有一二車馬徃來而已。少焉有一雕車。

者。不 獄。而: 財。往年喪妻。今求伉儷。乘其驅車而過城邊。紅蓮女史之策。可以行乎。 于干戈之慘酷。牛放謫于萬里之山海。無可與謀者。且夫如佛將羅柄斗逃澳 擬徃古之小說。策一奇計。而謀于二人。女史曰此兒戲耳。雖然、今親戚故舊。半罹陷 謂將臨死刑。女史聞之。憂愁愈切。一日范卿出市。詳探守城長之人。歸告妾等。妾因 變故一生。智者難施其策。不若速試之。至其成敗。則聽于天矣。且聞守城長好色貪 陷于鉾中。勢積威約之漸。僥倖萬一之外。無可爲者。范卿曰、曠日彌久。常易 拿破崙三世 千慮。亦無良策可救之。已而在哲數日。衢說街談。所聞不一。或謂將軍病于獄中。或 獨步城邊。窺牢獄之規制。探囚徒之形狀。歸而共議計畧。既而聞幽蘭將軍在城西之 經八日。船抵西國加亞津。直入西都。投一逆族。猶恐國人有知女史者。託病不聞。妾 此獄環深濠。築高壁。雖雲梯不能渡。飛鳥不可越。古來王公將士。死于此中 知 幾千。幽蘭將軍以名高爲怨之府。故守衛警嚴。國人尚且不能近。 遁破蕪之城。其策固非天下之奇。以識者觀之。不免類於兒戲。雖然、及 是以百計 國之獄。 釀變。

鳞鳞蹴廛而至。則守城長之所乘也。心窃喜之。及車漸近。徐仰其顏。時秋波一轉。亦 五六町。白日已沒。景物糢糊。妾乃揖更近之。執其綏。留其車。慇懃告之日。妾美國 少顧如笑者。妾故爲迷途相失之狀。其車亦行差緩。於是妾疾步先之。或顧或近。行 文明社會之所禁也。妾敢以無半面之識。冒瀆尊嚴。爲行路之妨。罪無可逭。雖然、幸 言語不通。莫能解者。而日暮途窮。進退兩難。焦苦萬狀。且婦人夜行。君子之所戒。 之產。頃者遊貴都。舍東街之逆族。今携友乘涼城邊。偶相失。數問路人以歸路。以 暮。彷徨道左。僕心已窃怪之。使令娘早告之。何至疲勞至此乎。若不妨令娘之事。乞 憐異郷之困厄。指教歸路。則銘感實深矣。主城長曰、僕守城長王羅也。令娘方此薄 甚易交者。既而車至逆族。彼執妾手曰。他日更相訪。幸自愛。即欲回轅而去。妾知其 同車。引至貴寓。妾深謝其厚意。直上其側。輙使御者疾馳。而故爲媚態以試其心。似 義。銘肝莫忘。夫豈可徒勞而歸哉。乃導之客房。迎意裝情。更招幽蘭女史日。此葡萄 尚有眷戀之情。止之日。閣下賤妾之恩人也。若無閣下。妾不知如何困厄矣。深恩厚 牙之人。久在美國。與妾最相善。今携手同來者也。爾來得淡水之交。蒙清明之教。是

而又絕不置畛畦于其間。守城長熙熙而語。怡怡而笑。盡傾腹心。情瀾 馬。衣輕裘。來訪旅館。妾亦輕羅長繡。極裝姿態。迎之客房。恭應敬對。如接王公者。 明日再來訪。三人喜計之得行。頻對時表。待晷陰之移。漸至次日薄暮。守城長策肥 遊忽然紅潮上頰。日郎君勿弄妾。且忍笑而聽妾所談。既而守城長辭族館去。翌日折簡 欲求伉儷。於美人才女。唯其所望。故雖未行六合之禮。兩情已誓偕老矣。守城長日 經三載矣。妾更謂曰。以閣下有如此之丰采。有如此之仁慈。且有如此之尊位高爵。 掀長觜曰。僕實隻身無綱。妾日閣下勿欺余哉。守城長日。僕非虚言也。不幸妻喪。已 言曰。希期明日黃昏。共與令閨撈手。枉駕敝驢。使妾得拜花顏接玉姿可乎。守城長 深謝其厚意。陳紫戀不忘之情。且答以葡萄美酒。與珠玉錦繡。彼復表眷慕之意。以 堅。有友某。其父西國之人也。學識深遠。高出儕輩。至今想之。容貌言語。頗肖閣下。 生美國之富家。父曾爲汴州刺史。頗有令名。有一兄。夙潜心于博物學。及長。其志愈 如令娘所言。令娘之事耳。僕何足欽羡哉。妾日閣下未知之耳。且語妾之往事。妾原 不竭。妾仍設

哉。鞭勁風。叱怒濤。遂超北洋。當時天下之人。皆高其志。藉藉稱譽。且悲且喜。惟翹 入虎穴。焉得虎子。吾輩豈可與市中少年爲伍。徒樂太平無事。送一世于悠悠之間 而未果。於是將欲縱其志。妾與母危之。力止之不可。某固替兄之志。共告母日。不 豪傑之士。欲周遊五洲。以擴博物之學。探北洋之極。以計千載之名。雖然、以父老 羔雁。不 年齡亦與閣下相伯仲。常相往來。頗鍾愛于妾。妾亦漸相親。心私許之。遂納幣帛。收 北 足待其衣錦 積冰所封也。器破食盡。人畜悉死。及母聞此報。病革空歸黃土。 日瘦。神心共疲。時新報報日。瑞典北洋巡船。過北極一島。見美國北洋巡船。其船爲 親戚。勸遠遊歐洲。踰秀山。渡明水。以清叙幽欝。妾乃航英國。遊佛國。自瑞士至意 又失母。悲哀痛悼不能堪。漸此身亦罹于病。病在蓐殆一年。至今春。身始覺快。交友 大利。遂來貴國。貴國之風光。實使妄樂目。寒溫亦適妾身。漸有忘歸之思。但妾今受 洋之堅冰。驚北海之鰛鯨。既近北極。後又經北海。更不接音問。母憂之病發。骨肉 日結婚媾之義。雖然、未及移輿。偶老父罹病。無幾而死。自是吾兄大結四方 歸故郷耳。無如自船一去。既至一年。而無片音之報。世人唯傳云。船破 妾喪兄。別良人。而

下。妾仰望城壁。問日壯哉金城湯池。是國王之居乎。守城長日否。我所典之圜堵也。 車來訪。訪必有繡羅之贈。妾等見熟于機業。知計畧之可行。一日相與同車。過城西 飾言搆事。百媚千阿。唯恐有失其意之狀。於是彼意氣飛揚。喜不可言。其後每夕馳 妾故驚曰。噫果然乎。雖身乘鶴翼。人架雲梯。想難飛越。獄中堅牢壯嚴。復無可比。恨 古來侯伯之命。捐生此中者。不遑僂指。今亦有大逆無道之徒。待命其間一二百人。 生之力。以護令娘之身。使安一生可耳。雖天荒地老。此心仍不渝也。妾陽爲喜悅之色。 父母與兄之遺產。以婦女一人之力。不能管理之。欲得雄才高風之君子。以託一生。 而素願未達。天下之廣。丈夫之多。妾無適意者。彼慰日若使令娘之言眞。僕乞盡畢

天未棄我。好運漸循環。妾曰好運如此。爾後之計畧。如何乃可。欲償宿望。在此 携手。飾情巧言。以攪彼心。使妾尋認老父。得行密計。彼信妾等爲美人。又侮妾等爲 舉。妾不知其奇謀之所出也。幽廟女史曰。妾有一計。想必能行。紅蓮女史與守城長 色马生吃几尺 一一一 一佳人奇遇卷四

不能一見城中。以爲談柄。守城長曰僕司其管鑰。令娘欲見之。何難之有乎。將卜吉

日。携手而遊。與令娘同行之女史。亦與俱往如何。約次二日而去。三人仰天祝日。旻

前。贊劍掛於腰際。燦爛奪目。煌煌與日光相映。殆所謂金玉其外。敗絮其中。而胸 令娘之妙計。必可適中。若不成。老奴別有一計存。無以爲念。相分到城門下車。妾與 會之期。范卿勵聲日。誠心一到。何事不成。今臨大事。勿抱不祥之念。發不吉之言。 舉兵。僕幸捕之。得以鎭國亂於未萌也。妾聞之意飛氣躍。且喜且憤。目指幽蘭女史。 懷。这然流涕。問於城長日。想此中不乏鼠竊狗盜之徒乎。守城長日然。乃指南隅 守城長携手。或巧言令色。使喜彼心。或怨言於嗟。以牽彼情。又思他事之無遑。幽蘭 一物之賤丈夫哉。妾特止范卿。託之後事。且告曰若不幸計洩。而事不成。亦生無相 婦女。必無介意。乃語其妙計。皆曰妙計可行。至于期日。守城長來迎。勳章聯於胸 夾髯。蓬蓬如雪。雖年既老。猶有馬上顧盼之風。妾時有薔薇花挾于襟。執與將軍日。 女史亦漸首肯。到于南隅。守城長隔窓與將軍一揖。將軍容貌魁偉。肉落骨立。白髮 諸邦。與意大利之娥馬治。及佛國之巖氅跎相結託。竊自佛境入我國都。欲募同志以 室日。在彼處者。頓加羅之愛將。幽蘭將軍是也。彼與皇兄擧兵。不勝而遁。遊歷歐洲 女史尾其後。務爲談笑之態。已而入于牢獄。囚人慘狀。誠不忍見。於是不覺凄然傷

此稿未畢下期續傑

博 不 浪。 榧。 洲 表o 柱 邊 起。 詠 湖 大。 in. 村 簪。 遊 風。 萬 事 集 家 無。 成。煙 敗。 樹 亦。俯 陸 英。花 春。雄。 南。 實 只 滿 雲。今。坐。即 新。感。東。無。 亭。憭。海。言。 好。從。逢。心。詠 風。來。黃。已。 景。事。石。醉。占 走 梅 山。臂。入。仙。

題 酸 道 人 風 月 琹 算 圖

東

台

戰

兆

維

新。

今

H

篇

当

無

腿

風

抱

故。憂。施。染。

國。傷。花。墨。

正。酒。飛。寄。

愁。入。落。征。

人。唇。江。衫。更

亭

花

月

眞.

無

1:

野

裙

裾

照

早

春。

是。

最

四个

賴。

九 天 風 溫 龍 吹 琹作 教 變 儀 變 杜。聲。 1 舉 間。 尊 叉。 喝 月 懷。 月 喜°倒 民°行。 此 是 琴。何。 此。年。 聲0小0 兩。發。 太。奇。 古。想。 海 風°天° 不。漠。 作°漠° 古。扁。 月º舟º 沈°横°倉 青 七 天。 * 海 誰 遭 君 愁o 豧 人。文

Ho 月。御 兀 厓 西。月 大 老 九 桐 回。不 臺。東。捉。 洲。 幹。 古 有 焦 悲 歌 風 尾 扣 先 月 聞 舷 處 聚 涑 便 呼 下 小 玉。酒。泊。 歎。 素 手 此 中 時。 琹 70 自 1 碧。 鼓 風。 拿 海。 雌。 何 青 不00 升 曲。雄° 留。黄。心° 武。

誰

Ŧi.

湖

眼

中

突

月

眼

黑

琹。風。風

不。顯。不

振

未

琹

碎

皇

義

我

鼓

八

風

月

照

珠

尊

酒

光

語。

風。

紛

紛0 徽

猛。

10 可以

70 即

看。

月0

詞。 番科

賦。授

亦。新

牛。絃。知

月o忽o华

死。新。作

天。臣。溝

夢。絃。中

夢。舊。斷。

宫

海。頓。久

水o 啞o 厭

忽。數。扁

四o 鏡o 舟

綠。立。九。游。琹。

舍

看。聲。

詩

中

說

酒

+

八

九0

寄

愁

更

撫

無

粒

琹

斷

寒

4

水。操。贊。聞 尊 呼 珰 百 處。歌。不。風。層。 双。觚。琴。九。必。入。文。 海。侍。鼓。天。窪。琹。讌。 浩· 飲· 瑤。 下。 中。 月。 張。 天。隨。陛。廣。銘。入。尊。 雕。鳳。手樂。字。聲。鳧。 風 吳。嬉。酌。披 揰 何 月 道 衢。 圖 斥。如。 安 人。能。章。四 常 八。移。 得。欝。萬。海 新 極。算。 遍 開。酌。 我。辥。方。生 留出 道。久。悅。酒 天。滄。 不。居。不 雲。 印。閣。海。 席 孤。此。然。吁 封 夜 琴吟嘘。地 妙 华0 唱 琹。 紋° 紋° 風° 乎° 幕 對 聲。 著°不°弄°男°天 花 我°張°月°兒°知 不 '行。 酒° 尊。亦。生。許 大。 船。酒。可。當。字。虐。蝌。 裏。止。 路。 繳。誰 逕 大o與o妻 更 寫。風。當。風。圖。竊 輔₀ 平 列。 浮。 射 者。 藥 一期。 分。烈。海。妖。酸。不 月。 風。月。從。月。道。敢 轉。 月。 陇。 官。 聽 人。 奔。 天。 圖。睒。尼。奏。誰 琴 鈞。與。不。 里。 海 我。山。天。歌。必。 雲。 秋。學。醉。者。響。

心。鼓。天。倉。泉。發。 大。猗。闕。海。作。奇。 海。蘭。下君。記。彩

戊戌橫濱倡祀孔子徵信錄

橫濱闔埠華人倡祀孔子啓

其億兆之學子。百千之學堂。日所尊奉而膜拜者。非文昌則魁星。而孔子無聞焉。鳴 意。我中國號稱儒教之祖。其所謂士人者。除得第之日。始獲一遊聖殿。而瞻 亟。於是借鬧教之名。窃膠州之地。燉先聖之像。抉先賢之目。群起競逐。大肆咆哮。 不以敵國之禮相待矣。稱孔子者一則日靡西。再則日政治家。不知彼寔以舊教相待。 道。莫不日不急之務。迂遠於事情 下。而不爲人弱者。以有公法在也。而其能守公法而行之者。又以有敎化之美。文明 若是之故。豈有他哉。無教使然耳。今環球而國者。大小數十餘。其所以能自立於 〈之入我城者。皆踰城而行。我國人士。習而不察。不知彼寔倣羅馬滅野番之例。而〉公法。皆彼族借之以行其挾制之術。而我無與也。乃者庚申之役。 神京淪陷。彼 弱若此。又何愚耶。吾甞見日本之篤守儒教者。猶日懸聖煥於左右。以示拿說之侮我。何其暴耶。而我之自弱。何其極耶。夫彼既藉教以自强若此。而我反忘教以侮我。何其暴耶。而我之自弱。何其極耶。夫彼既藉教以自强若此。而我 我疆吏。分我鐵路。奪我險要。攘我礦產。干我郵政。握我兵權。預我訟獄。嗚呼、 不以生民未有之教主相尊矣。時至今日。橫議益衆。彼餘彌張。吾教愈衰。時局尤 國也。中國之大。民數之多。甲於諸國。而西人以半教相消。等於野蠻。凡諸國國際 一愚耶。吾甞見日本之篤守儒教者。猶日懸聖像於左右。以示尊親之 哉。然推原夫强敵若是。盜賊若是。人心若是。國勢 。國勢危急之秋。而與之言崇先儒之敎。尊孔子之

戊戌橫濱倡祀孔子徵信錄

之。下 名雖親之。 尚。猶能傳 用能 俗。陷 之。而未 、士夫 道平 鸣鸣 之耳。 逆之 也。 安。 則 呼 於非命。其政府則從 反 國五 0 亂。 也。已能自立。則各國以平等相待。認其自洲。則各國當以公數相待。一律保護。此時倡孔教之人乎。 於化之國、於是保護 有 吾國 爲忌 其能至 則 中 風俗。 0 何 其 其教於中國 如 。吾幾不 師友以鼓舞之。其有能 稻 國 其計之左歟。此言也。 術比 士夫。不 談洋務 自兹以後。 D 之者平 則 0 言也。 是也 哉。蓋其意欲謀 疏 國。 110 之。 0 、戦商 自勵 0 民 知 然試 况 A 此義。怯于 無 其政府 大勢益 。遍 流論矣。 年 厚 而 足 屈 是。 農戦 以言教哉。 理論之。 危。 彼 H. 照耶教之例 工戰而 海 教 洲 實教禍 伸 而 建 家國。不能不 教案之故。 他日能 以其自主。無復有相欺之事。吾昔欲與 。此時自無數禍矣。此保全中國之第 保護者只有耶蘇敷。而孔子不得與焉。 莫大於數案。蓋存亡之所在也。然推 0 0 立 其報館則 拜堂。 面 0 。讓敵而 尤毒 今夫 無論 本源已失。 薄 駕 之胎哉。 興者。皆由胡 於 I. ò 以保護 佛 導人 已教。 諸教。 泊 八艱。 持 0 教固 貴 從 收其 西學之 西 E 。而責以 因 此 不爲助之。 、教者。 息微之時 。使於種有所保。國 播揚之。 噎 諸 大局。為種 中國國體 曾左 心。 0 之流 人傳 廢 國。奉此 食之謀。禁言孔教。 種 。濫竽其間。此所以有 教也。 則賞 收 H 羅諸公。講求孔孟 國身家之重 其 也 與日本志士。立一孔教會。以 第一要事。然知斯義者察矣。 焉。若人人皆以孔教爲心。傳 推原其故由於各國不認我爲 而 豈徒 以墟 教 以 0 國身家之 上則有君相 弱。 反以阻 清餌 1/10 。不 則從而 倘 年 縱踵其法而 宗社 尊 o 即或 能 月所强。 0 之。 能平 實 不借教以公名。而 者 0 則 繁者。其 借教 超朱之 身 0 押 否平 甲申 何 行 他 P 0 0

基

戊戌橫濱倡祀孔子徵信錄

倡祀孔子章程

崇祀 孔子。自今年八月二十七日即 始。此後永遠垂爲定例

現當 開辦 一始。未能建立孔廟。擬先在中華會館。設立聖像。以昭肅敬

聖誕 日 日闔埠不論男女老少。皆當親到會館行禮。上午則男子恭祝。下午則女子恭 闔华各舖戶 律升旗張燈致賀。

聖誕日凡致祭者。皆守禮經燔柴之義。香燭寶帛之類。 祝。以示區別。 今年開辦之初。聖誕 H 切省免

爲額。此後垂爲定 例

日不論工商。闔 日 祀孔子墨。即在 二。华停工 會館 宴飲。以隆此學。 一天。如有要事。不 停者聽。

此義。以昭敬愛而示不忘。
战不知有孔子之教。故復行
之意。至於西人禮拜之日。即孔子七日來復之制。亦宜恪守斯義。以示不忘齊氣 今年崇祀聖誕後。闔 祀孔子者。每人例捐銀七 华華人。除用光緒紀 毫五仙。與宴飲之事者。例捐銀貳元。若能多捐者 年外。當兼用孔子紀年。以示尊王

各捐款。除聖誕日支銷外。即貯會館中。作下年經費。開辦章程。及尊聖歌。將來都輯成書。遍派中外。使人朝夕諷誦 各捐款。除聖誕日支銷外。即貯 。勿背其本。

祖隆勝萬 隆植 初顏 隆 先寶先先寶寶 生號生生號號號號 生

4

新吳

鄭盧鄭曾張協 贊勉 泰 康魁 源 先先先先先 贄 生生生生生號號

容陳德

大大

伯

採鄭楊德廣廣

曉

鮑 芳蘭鏡 昭 襄如楚常 先先先先先實實生生生生號號 先先先先先

雅昭

亭砚

璟泰記 泰 大

曾盧馮方捷明 卓 桂 紫 瑞 園 珊軒 先先先先先實

裕安 4 資資 生生生生生號號號

北潤

泉 璋

實先

同鮑鄭萬林李 嶽餘和 柏 發 昭 常初大 南 大 寶先先 先先 生生號牛生號

立之志。擧歐洲全境。歐洲 清 聯合崇 祀 白羅馬 子 聖 誕 啓

戊戌橫濱倡祀孔子徵信錄

英救突厥之危。美保全洲之局 盗。引虎而自衞。庸有幸平。覽

0

此

國者何爱於突厥

揖

者。今危而獨存。孤而日波斯日緬甸日南掌

獨

幸乎。覽美奥土著之衰滅。觀高加索種類立。惟支那與日本耳。若猶庸衆爲散。不1安南日河富汗 日傳路芝日阿剌伯。其2

石稻庸衆駑散。不相聯合。則是開芝日阿剌伯。其或削或亡。無有

加索種類之漫行。能無懼

耶。而

美洲諸小國哉。

河 競

一。而亞西

爲

堪矣。西

伯

無

利之路成。而E

亞東 西土

日危矣。百餘年間。亞

十數國。

瓦印

全度之有

之勢既成。而

Z 洲 謀

亟

0

統之後 者。故

0

a

君

臣 東漸

之

變爲

鳴

波順左徐增辻安大渡鄭海 產所行 捐款列 同 裕 光 左 捐捐捐捐捐捐 銀銀銀銀銀銀銀銀銀銀銀 伍陸壹 拾拾拾拾拾拾 寥寥 拾佰 大大大大伍伍拾拾 圓圓圓圓大大 大伍大大大 圆圆大圆圆圆

永 義 和 精銀拾大圓 精銀拾大圓 精銀拾大圓 精銀拾大圓 精銀拾大圓 精銀拾大圓 精銀拾大圓

可土年東即 來。未見其 國背日之嫌。大之可明孔是既定。大勢已成。則近之 救已 共大效者。今特約祀平務集。不絕于耳。然人 即 所以 子大同之旨。亞東志士。其無可是一个球之計。小之一可免歐人噬臍之患。遠之可爲混一全球之計。小之心当之會,爲淸日相聯之策。起點于東洋。播流于亞 深識 0 咸 成 未廣。 . 0

一任歐人之侵略。而真之或救也

今附九末 七支分既者政餘 木 本 那爲延僅治分二,資本代至如-任 及哲九請言學惟我超韶派定尚 捷 本产化注開諸閱蒙 翁同定記法 術財報ご 政本多及學宗入 勝未收年賜日啓 五校四詳情之 到則閱出者 元續月盡 捐中議廢少成說說治 已旬論立 丰丛 詩來財跡華持 同亥出精始有 發年書明末局: 稿學而每清 請實計如至時 實經 如將記中 號費欲中三 文書此登開本 諸購國政某 錄 五君者將變君戊 用中復 實數民開 處務元第月報 元姓隨來前將戌 特國先用葉智設 定請 初例 氏時之紀事八 佈近按宏因爲僅 於隨角冊-函局四之 告事期大政主數 華時 7 望四登之治義 梁 告言政源 歷報~ 閱報出 慶 本之變委變 閱外錄學等今承 四明 堂 報論以絕學更海 舘瞭正編為 月以 推即 及如紀輯中 諸彙供無爲加內 前便 後足-代指五成國 君譯衆所立改外 一裁 派一 五 派掌政書存 子五覽知國良有 律印 元 鑒萬茲風之特心 將 可心後本絕 國定氣本取 報 册實 **也人紀館大** 近自不原東稱 僧 不六代 關 楊 事第開中西許 收 澄 可殉印係 清 質國文銷 秀 不難代惟 一由向各 匯 額後元 其 寄 冊於來書 即陸自 之士全 學起此言報 事 來 算續去 五 書傳書之 談每本西中 舘 全出年 元 也餘分本 七册館學言 俾 年報-

二海香北福州上海西京西京西京西京西京西京西京西京西京西市西京西水屋町三番地東京東京神田區表東京神田區表東京神田區表東京神田區表東京神田區表東京神田區表東京神田區表東京神田區表東京神田區表東京神田區表東 本 羅阮鮑昌 各 戎賢常贊 地 東京堂書店 派 中 處 三五五五 和筑 西 元元元元 牛與 先生 隆洋 降 板

檀星朝玻 四芝 番區 酉 新街林 新 社 洋 報 書店 館

舘裕

堂

谷大 町坂 海

清 商

處

塾 印

北 丁東

京 目區 梅

務

書

南 先生

新

鮑關李吳 守谷雁肇 形聲亭芳

大健連

者翁翁翁

三五五五

元元元元

三五五五 元元元元

蔡梁鄭鮑 培生初宗

三五五 元元元元

鄍 如

FD.

所

演居留始

議九

行

編

輯

英國

渡

市

伊勢馮